



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Instantia Promotorum pro euulgandis decretis, & alijs.

urn:nbn:de:hbz:466:1-10502

mensam ibi propè decenter collocatam reposuit, vt ad præscriptum examinato-ribus, Testibus Synodalibus, ac puncta- toribus super sacris illis reliquiis ius-urandum deferret. & vocati fuerunt exa- minatores, punctatores, ac testes Synoda- les ad iusurandū præstādum his verbis.

Decretum de iureiurando.

EXaminatores, punctatores, ac testes Synodales in præcedenti sessione promulgati, accédant ad Illustrissimum Archiepiscopum, cui ex præscripta formula iusurandum præstent.

Vos verò testes Synodales, iurate, fi- deliter vereq; ad nos, aut ad Vicarium nostrum generalem, aut ad visitatores nostros vos interrogantes relatu-ros, om- ni remoto affectu & cupiditate, de his, quæ ad honorem Dei pertinet, ac refor- matione indigent, quæ vos indagacione atq; inquisitione adhibita, uel uideritis, uel audieritis in regione uobis, uestraq; charitati, & perscrutacioni commissa.

Tum singuli ordine terni aut quater- ni accedebant, & ex præscripta formu- la super sacris illis reliquiis, quas ipse Illustriss. Domin. suis manibus tenebat, iusurandum præstabant.

Formula iurifurandi ab examinatori- bus præstandi.

EGO N. examinatore officium quod suscepì, promitto, spondeo, ac iuro, me fideliter, & sincerè, quantum in me est, executurum. sic me Deus adiuuet, & hæ Sanctorum reliquiæ.

Formula iuramenti punctatorum.

EGO N. promitto, & iuro, me in offi- cio meo punctatoris obeundo fidem ac diligentiam præstiturum, ad præscri- ptam constitutionum prouincialium Me- diolanensium, & Tabellæ mihi à Reue- rendissimo Archiepiscopo traditæ, uel pro tempore tradendæ, sic me Deus ad- iuuet, & hæ sanctorum reliquiæ.

Formula iurifurandi testiu Synoda- lium habetur in Concil. prouin. 4. p. 179.

Et quoniam ex his, qui cõstituti sunt testes Synodales, examinatores, & pun-

ctatores, quidam hoc tempore non in- terfuerunt, nec verò iusurandum ex for- mula præscripta præstare poterant, Il- lustrissimus Archiepiscopus censuit hu- iusmodi iusurandum multum Reueren- do Domino Vicario Generali præstan- dum esse, hoc promulgato decreto.

Decretum de præstando iureiurando ab absentibus examinato-ribus, pun- ctatoribus, & Testibus.

Qui examinatores, testes synodales, ac punctatores per nos nominati, & deputati sunt, si qui in synodo ex præscri- pto iusurandum non præstiterunt, Vica- rio nostro Generali illud præstent.

Deo benè iuuante, absolutis omnibus, quæ in hac xi. Synodo agenda erant, vt extremam manum Illustriss. Archiepi- scopus apponeret, ad præscriptum Con- cilij prouincial. 5. monitiones ex eodem Concilio de suggestu legi mandauit.

Præmissa ea præfatione, quæ supra ha- betur in Synodo dicec. 7. decret. 8. pag. 77.

Deinde Promotores institerunt pro- mulgandis decretis & aliis.

Illustriss. ac Reuerendiss. in Christo Pater, & Domine.

Quò diligentior & cumulatior exe- cutio sit, & Conciliorum tam pro- uincialium, quàm diœcesanorum, & instructionum ab Illustriss. amplitu- dine uestra editarum, & edictorum item Archiepiscopalium, & aliarum consti- tutionum ad huius Ecclesiæ sibi com- missæ benè gerendæ rationem conscri- ptarum & promulgatarum.

Nos N. & N. huius Synodi diœcesana xi. promotores, ab Illustriss. ac Reuerendiss. amplitudine uestra petimus, atque instamus, monita executionis eor- um decretorum & aliarum sanctionum Archiepiscopalium è suggestu, vt moris est, per Cancellariu promulgari, & om- nia alia edici, & enunciari, quæcunque in hac Synodo diœcesana xi. pro pru- dentia & charitate sua clero diœcesano præsentem edici & promulgari cõstituit. Quo idem clerus instructior in dies fiat,

ac sollicitudinis studio inflammator sit, ad omnem Ecclesiasticæ disciplinæ rectam cumulatamque executionem perpetuamque obseruantiam.

Lecta quæ sunt monita executionis decretorum de suggestu, quæ habentur in volumine supra Synodi xj.

His ordinè sic absolueis, Illustriss. Archiepiscopus de more antequam hic Synodalis conuentus dimitteretur, sequentem Synodum, nempe xij. indici mandauit, præuia instantia promotorum.

Instantia promotorum pro Indictione futuræ Synodi.

Illustriss. ac Reuerendiss. Pater & Domine in Christo.

Antiquo Canone, & decreto prouinciali, & Synodali item cautum est, proximam Synodum diocesanam in sessione indici: ideo pro muneris nostri ab Illustrissima amplitudine tua nobis demandati ratione, humiliter instamus, & petimus, Synodum dioces. xij. futuram in hoc Synodali conuentu, omnibus qui interesse debent, pronuntiari, & indici.

Tum lectum est Decretum Indictionis, ad præscriptam formam.

Decretum de indictione uisitationis.

Veteris, & laudatissimi, cum disciplinæque Ecclesiasticæ ratione atque vsu conuenientis instituti illud est, antequam Synodus dimittatur, clero vniuerso qui præsens in Synodo est, aliqua edicta, quæ anniuersariis actionibus perpetuis præstanda sunt: edicimus igitur omnium & singularum regionum cleri uisitationem, quam omnes, singuliq; uisitatores nostri in sua quique regione diligenter obeant, atque adeo præsent ad præscriptum monitorum, quæ diligentioris executionis causa in hac Synod. xj. edidimus. Omni igitur studio in omnes partes ad rectè exequendi vsum excitato ita se gerant, vt nullam eorum negligentiam, cuius nobis aliquando ratio reddenda est, animaduertamus; sed diligentiam præstantissimam, cuius fructus in omni recta executione consistet,

nos in Domino commendemus.

Indicta uisitatione, audientia, quam Synodo absoluta Illustrissimus Archiepiscopus, Vicariis, & aliis diocesanis dare solet, indicta est.

Decretum de indictione publicæ audientia.

Vicariis foraneis hodie à prandio audientiam indicimus, & iis quoque omnibus & singulis, qui aliquid habent, quod nobiscum, aut cum ministris nostris agant. Illis etiam, quibus à uisitatores, Præfictiue scrutini, & vicariis foraneis iussum est ad nos venire.

Demum Illustriss. D. Archiepiscopo de more orationem publicam, quæ in urbe, & diocesi fieri solet, in fine Synodi indici & promulgari iussit.

Decreti formula habetur supra in Synodo 7. dioces. pag. 80.

Cum omnia in hac xj. Synodo agenda & tractanda, Diuina auxiliante clementia ad optatum finem perducta essent, & cum iam hora esset tarda, vt de more ritè rectèque Synodus dimitteretur, Illustriss. Archiepiscopus suggestum ascendit, & iterum clerum allocutus est.

Absoluto sermone, pulsatione solenni campanarum, inchoata est processio de more, eundo per ambitum, & extra Ecclesiam: & dum clerus regionatim & collegiatim ad processionem dirigeretur, Tabellarum acclamationum facta est distributio. Postea verò quàm clerus vniuersus rediit, denuo suis locis conuerserunt, & facto silentio, in oratione mentali certis capitibus enunciatis per Reueren. Archidiaconum, Illustriss. D. Archiepiscopus, & clerus vniuersus, quasi per horæ dimidium perstiterunt.

Oratio mentalis die 3. Synodi.

I Fratres carissimi: Conuersi ad Dominum, puro corde oremus, vt preces nostras in beneplacito suo exaudire dignetur. Et quia imperfectum nostrum quod in Synodi celebritate admisimus, viderunt oculi Dei; ad miserationis diuinæ remedia confugiamus, hocq; frustrati precemur, vt ignorantia nostræ parcat erratis; & negligentia etiam,

M 4 quam